

## **Naziv suda: Apelacioni sud Brčko distrikt Bosne i Hercegovine**

### ***Analiza pokazatelja iz statističkog izvještaja o poštivanju optimalnih i predvidivih rokova:***

Podaci iz polugodišnjeg izvještaja o poštivanju optimalnih i predvidivih rokova za 2024. godinu pokazuju da je u radu bilo ukupno 443 predmeta, od čega je završeno 249 predmeta ili 56 %. Od ukupnog broja riješenih predmeta, u optimalnom roku je završeno 237 predmeta ili 95 %, dok je u predvidivom roku završeno 244 predmeta ili 98 %. Na kraju polugodišnjeg perioda u 5 predmeta prekoračen je predvidivi rok što predstavlja 2 % od ukupnog broja riješenih predmeta.

Prosječno trajanje riješenih predmeta je 83 dana.

Broj neriješenih predmeta na kraju izvještajnog perioda iznosi 194 predmeta.

U strukturi nezavršenih predmeta u 183 predmeta ili 94 % nije prekoračen predvidivi rok, dok je u 23 predmeta ili 12 % prekoračen optimalni rok, a u 11 predmeta ili 7 % prekoračen je predvidivi rok.

Prosječno trajanje neriješenih predmeta iznosi 87 dana.

Analiza navedenih podataka, struktura riješenih i neriješenih predmeta sa aspekta poštovanja optimalnih i predvidivih rokova pokazuje da je sud zadržao visok stepen efikasnosti, iako sud nije radio u potpunom sudijskom sastavu s obzirom da nije popunjena jedna pozicija sudije na građanskom referatu. Nedostatak jednog sudije je direktno uticao na povećanje broja neriješenih predmeta na kraju izvještajnog perioda.

Međutim, zadržan je visok procenat rješavanja predmeta u optimalnim i predvidivim rokovima od 95 - 98 %, kao i vrijeme trajanja riješenih i neriješenih predmeta, koje je u dužem vremenskom periodu ispod 90 dana.

### ***Analiza raspoloživih resursa u sudu:***

Apelacioni sud Brčko distrikta Bosne i Hercegovine je u ovom izvještajnom periodu raspolagao optimalnim materijalno-tehničkim resursima. Međutim, evidentan je nedostatak adekvatnih službenih prostorija za sudije, stručne saradnike i administrativno osoblje, jer u tri kancelarije radi više od dvije osobe.

Nepopunjavanje jedne upražnjene pozicije redovnog sudije na građanskom odjeljenju direktno je uticalo na efikasnost suda, tako da je indeks ažurnosti suda u ovom periodu 80 %.

### ***Analiza „perioda neaktivnosti“ u predmetima:***

U ovom izvještajnom periodu evidentirano je 10 „neaktivnih predmeta“ od kojih je 9 vraćano prvostepenom sudu na otklanjanje procesnih nedostataka, kako bi se mogle donijeti drugostepene odluke u skladu sa zakonom, dok u jednom krivičnom

predmetu nije moguće formirati tročlano sudijsko vijeće, zbog nedostatka jednog sudije.

***Prijedlog mjera kako bi se utvrđeni predvidivi rokovi skraćivali i približavali optimalnim rokovima:***

Predsjednik suda kontinuirano potencira na obavezi sudija da rješavaju najstarije predmete u sudu u skladu sa Planom rješavanja starih predmeta za 2024. godinu, što direktno utiče na skraćivanje vremena rješavanja predmeta i približavanje utvrđenih predvidivih rokova optimalnim rokovima. Istovremeno, prosječno trajanje neriješenih predmeta je manje od 90 dana, što je posebno važno sa aspekta prava na suđenje u razumnim rokovima. Predsjednik suda kontinuirano obavještava prvostepeni sud o obavezi hitnog postupanja u cilju otklanjanja procesnih pretpostavki u takozvanim „neaktivnim predmetima“.

***Ostalo:***